

"ЎЗНЕФТГАЗИНСПЕКЦИЯ" ТОМОНИДАН ТАРҚАТИЛГАН ВА ОММАВИЙ АХБОРОТ ВОСИТАЛАРИДА ЭЪЛОН ҚИЛИНГАН ТАБИЙ ВА СУЮЛТИРИЛГАН ГАЗ ЎГИРЛАНГАНЛИГИ ТҮҒРИСИДАГИ ХАБАРГА "ХУДУДГАЗТАЪМИНОТ" АЖ АНИҚЛИК КИРИТМОҚДА



"Табиий ва суюлтирилган газдан фойдаланишда бир қатор қонунбузарликлар аниқланди." Айнан, мана шундай сарлавҳа остида "Ўзнефтгазинспекция" томонидан тарқатилган пресс-релизда, ушбу ташкилот кенг жамоатчилик ва оммавий ахборот воситаларига ҳудудларда табиий ва суюлтирилган газни ўғирланиши билан боғлиқ ҳолатлар ҳақида хабар берди. Аммо унда келтирилган маълумотлар ҳақиқатга тўғри келмайди - деб хабар беради **"Худудгазтаъминот" АЖ Матбуот хизмати.**

Хусусан, пресс-релизда "энг жиддий ҳуқуқбузарликлар Наманган ва Жиззах вилоятларида аниқланди. "Мезбон" МЧЖ ва "Нафосат бекати" МЧЖ корхоналарига тегишли умумий овқатланиш корхоналарида жами **306 млн. сўмлик 306 минг метр куб** ҳажмдаги табиий газдан ноқонуний равишда фойдаланиш ҳолатлари аниқланди" деб таъкидланади.

"Худудгазтаъминот" АЖдаги мавжуд маълумотларга кўра, Наманган вилоятидаги "Мезбон" МЧЖга қарашли овқатланиш жойини текшириш **"Худудгаз Наманган" МЧЖнинг "Уйчитумангаз" филиали мутахассислари томонидан олиб борилган.** Табиий газдан ноқонуний фойдаланиш фактларини аниқлаш натижалари бўйича Мажбурий ижро бюросининг туман бўлими ходимлари қарор қабул килиш учун таклиф қилиниб, тегишли хужжатлар расмийлаштирган. "Ўзнефтгазинспекция" вакиллари ушбу тадбирда иштирок этмаганлар.

Яна бир мисол. "Ўзнефтгазинспекция" таъкидлашича, "Самарқанд вилояти Пастдарғом туманида ҳеч қандай рухсатномасиз, ўзбошимчалик билан оҳак цехи томонидан газ тармоғига уланиб газдан ноқонуний фойдаланиб келаётганлиги аниқланди. Дастребки хисоб китоб бўйича жами **330 млн. сўмлик 330 минг метр куб** ҳажмдаги табиий газдан ноқонуний равишда фойдаланиш ҳолатлари аниқланди".

Ушбу вазиятга ойдинлик киритиш мақсадида, "Худудгазтаъминот" АЖ қуйидагиларни маълум қиласи: Ҳақиқатдан ҳам, Самарқанд вилоятининг Пастдарғом туманида табиий газни ўғирлаш ҳолати қайд этилган. Текширув пресс-релизда таъкидланганидек, "Ўзнефтгазинспекция" ходимлари томонидан эмас, балки **"Худудгазтаъминот" АЖнинг таркиби бўлинмалари ишловчи, хусусан, "Пасдарғомтумангаз" филиали мутахассислари, уста М.Тўхташев, метролог Б.Собиров ва чилангар Г.Исломовлар** томонидан амалга оширилган. Текширувга Ўзбекистон Республикаси Бош прокуратураси хузуридаги Мажбурий ижро бюросининг Самарқанд вилояти бўйича бошқармаси ходимлари ҳам жалб этилган. **Номаълум сабабларга кўра, "Ўзнефтгазинспекция" мазкур текширув натижаларини ўз номидан эълон қилди, зеро, ташкилот мутахассисларининг бу текширувга умуман алоқаси йўқ ва бу тадбирда улар иштирок этишмаган.**

Шунингдек, "Ўзнефтгазинспекция"нинг пресс-релизида қонунбузарликлар билан боғлиқ яна бошқа мисоллар жумладан, пойтахт ҳудудида ўтказилган текширувлар ҳақида ҳам маълумотлар келтирилади.

Хусусан, "яна бир нечта газ таъминоти тизимиға руҳсатсиз уланиш ҳолатлари Тошкент вилоятининг Тошкент ва Қибрай туманларида аниқланган. **157 минг метр куб** ҳажмдаги табиий газдан ноқонуний равишда иссиқхоналар ва "Мұхаммад" МЧЖ паррандачилик фермаларидан бирида фойдаланилган. Умуман олганда вилоят худудида жами **690 млн. сўмлик 690 минг метр куб** ҳажмдаги табиий газдан ноқонуний равишда фойдаланиш ҳолатлари аниқланди" деб маълумот келтирилган.

Мазкур ҳолат билан боғлиқ айни ҳақиқатни аниқлаш учун "Худудгазтаъминот" АЖ қуийдагиларни маълум қиласди: газ таъминоти тизимиға ноқонуний уланишларни аниқлаш бўйича текширувлар "Худудгаз Тошкент" МЧЖ "Тошкенттумангаз" филиали томонидан, "Ўзнефтгазинспекция" мутахассислари ва Ўзбекистон Республикаси Бош прокуратураси хузуридаги Мажбурий ижро бюроси ходимлари иштирокида ўтказилган.

Шунга ўхшаш яна бир ҳолат, Қибрай туманида ҳам содир бўлгани келтирилган. Пресс-релизга кўра, "Ўзнефтгазинспекция" томонидан иссиқхоналар ва "Мұхаммад" МЧЖга қарашли паррандачилик фермаларидан бирида табиий газни ўғирлаш билан боғлиқ конунбузарлик ҳолати аниқлаган. Аслида эса, бу текширув ҳам "Қибрайтумангаз" филиали ходимлари томонидан, "Ўзнефтгазинспекция" мутахассисларини жалб этган ҳолда аниқланган. Газ таъминоти тизимида бундай қонунбузилиши ҳолатларини аниқлаш учун текширувлар "Худудгазтаъминот" АЖнинг таркибий бўлинмалари томонидан мунтазам равишда ўтказилиб келинмоқда.

Андижон вилоятида суюлтирилган газни ўғирлаш бўйича аниқланган ҳолатларга аниқлик киритиб ўтиш лозим. Пресс-релизда қайд этилишича, аҳоли учун тарқатиладиган суюлтирилган газдан "Андижон шаҳаргаз" филиалида **25 минг кг. (54,3 миллион сўм)** миқдордаги газни ноқонуний хисобдан чиқариш ва омборни текшириш вақтида ушбу филиал ходимлари томонидан **738 млн. сўмлик 2390 дона** майший газ баллонларининг етишмаслиги ҳолатлари аниқланган. Ушбу далилларга кўшимча равишда, филиал ходимлари томонидан аҳолидан суюлтирилган газ учун олинган **80 млн. сўм** пул маблағлари хизмат кўрсатувчи банк кассасига топширмаслик бўйича жиддий қонунбузилишига йўл қўйилган.

"Худудгазтаъминот" АЖда мавжуд маълумотларга кўра, Андижон вилоятидаги ушбу текширув "Ўзнефтгазинспекция" томонидан 2019 йил ноябрь ойида ўтказилган. "Худудгаз Андижон" МЧЖ билан биргаликда текширув тадбирларни ўтказиш учун **2019 йил 7 ноябряда 04-12 КБ-сон** икки томонлама буйруқ қабул қилинганига қарамай, "Худудгаз Андижон" МЧЖ ходимлари қонуний келишувлар доирасида текширувларда иштирок этиш учун таклиф қилинмаган.

Андижон вилояти худудидан суюлтирилган газни олиб чиқишига уриниш ҳолатига ҳам аниқлик киритилиши лозим. "Ўзнефтгазинспекция" нинг пресс-релизида, "Андижон вилоятида амалга оширилаётган тадбирлар давомида 8 январь куни ҳуқуқни муҳофаза қилиш идоралари билан биргаликда инспекция томонидан Андижон вилояти худудидан суюлтирилган газни олиб чиқишига уринишнинг олди олинди. 24 млн сўм қийматидаги 10,2 тонна суюлтирилган газ, давлат рақами 70 707 ВАА газ ташиш автомашинасида олиб кетилаётганида аниқланди. Ушбу ёқилғи "Шаҳрихон" газ тўлдириш шаҳобчасида ноқонуний тарзда юклanganлиги маълум бўлди" деб қайд этилган.

Андижон вилоятидаги мазкур текширув ҳам аслида, **вилоятдаги суюлтирилган газ тўлдириш пунктларини текширувдан ўтказишга қаратилган "Худудгазтаъминот" АЖнинг тегишли буйруғи доирасида амалга оширилган**. Аниқланган қоидабузарликлар бўйича, етакчи муҳандис -

"Шахрихон" газ тўлдириш шаҳобчаси бошлиғи - Давронов Шавкат, суюлтирилган газ ҳисобини юритиш бўйича техник, ҳисобчи - Шукуров Шухрат ва мазкур суюлтирилган газ тўлдириш шаҳобчаси қуювчи-тўкувчиси - Расулов Жасурбекларга нисбатан хизмат вазифаларини бажаришдаги қўпол қонунбузарликлари юзасидан қонунчилик доирасида тегишли чоралар кўрилди. Барча материаллар хукуқни муҳофаза қилиш органларига топширилди.

Таъкидлаш жоизки, мазкур маълумотни тайёрлаш жараёнида "Ўзнефтгазинспекция" АЖ томонидан эълон қилинган пресс-релизнинг услуби ва имлоси сақланди. "Худудгазтаъминот" АЖ томонидан амалга оширилган текширишлар тўғрисидаги барча тасдиқловчи хужжатлар акциядорлик жамиятининг матбуот хизматида мавжуд.

"Худудгазтаъминот" АЖ ўз фаолиятининг очиқлиги ва ошкоралигини таъминлаган ҳолда, бундан кейин ҳам, соҳа ҳолати тўғрисида ҳақиқатга мос бўлган маълумотлар билан кенг жамоатчилик ва оммавий ахборот воситаларини хабардор қилишни давом эттиради. **Фурсатдан фойдаланиб, табиий газ ва суюлтирилган газ истеъмолчиларидан газ таъминоти тизимида аниқланган ўғирлик ва хукуқбузарликлар тўғрисида хабарларни "Худудгазтаъминот" АЖнинг "Facebook" ижтимоий тармоғидаги расмий сахифасига ёки Телеграм платформасидаги +998998086808 рақамига юборишларини сўраймиз. Маълумот берувчининг шахси сир сақланиши кафолатланади.**

Андижон вилояти ҳокимлиги

МАТБУОТ ХИЗМАТИ.

[Facebook](#) [Twitter](#) [Instagram](#) [YouTube](#) [Telegram](#)